

# SAJ DAUT TO JESUS

(Sage es Jesu)  
(Tell It To Jesus)  
(Sinjt Froo! #81)

1. Best du meed uk sea schwoa beloden?  
Saj daut to Jesus. Saj daut to Jesus.  
Hast du Freiden waut die noch too schod sent?  
Saj daut to Jesus auleen.

**Kua:** Saj daut to Jesus. Saj daut to Jesus.  
Hee es een Frint goot un scheen.  
Doa's kjeen aundra waut die kaun soo halpen.  
Saj daut to Jesus auleen.

2. Deist du duren äwa groote Sorjen?  
Saj daut to Jesus. Saj daut to Jesus.  
Deist die enjsten woo daut noch saul woaren?  
Saj daut to Jesus auleen.

3. Komen Tronen onverhofs soo foaken?  
Saj daut to Jesus. Saj daut to Jesus.  
Es doa Sind von Menschen Uag vestoaken?  
Saj daut to Jesus auleen.

4. Baudat die daut wan du denkst aun stoawen?  
Saj daut to Jesus. Saj daut to Jesus.  
Deist die ferchten waut du mol woascht oawen?  
Saj daut to Jesus auleen.

Wieed un Musikj: Jeremiah Eames Rankin, 1848-1904  
Em Auljemeenen Jebruck  
Plautdietsch: Hank Neufeld